



# mjesečni Bilten

omladinska mreža bosne i hercegovine



juni  
lipanj  
2020.

253

## Dragi prijatelji/ce,

Predstavljamo vam **junsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

[www.omladina-bih.net](http://www.omladina-bih.net)



### SADRŽAJ

Aktivnosti u junu .....	2
Planovi za juli .....	6
Aktivnosti članova mreže .....	7
Saopštenja/informacije/donatori/pozivi .....	15

Uživajte u čitanju!

## AKTIVNOSTI ORC/HCA U JUNU 2020.

### Izgradnja tima – AGORA CENTAR

Slobodan Blagovčanin je u junu imao priliku da bude trener u Agora centru Tuzla, te da njihovim članovima održi edukaciju iz izgradnje tima. Slobodan je tokom treninga radio na izgradnji tima i obnavljanju konekcija.



Tim naprednih lidera/ica u civilnom sektoru Tuzle, bio je motivacija da se zaobiđe ustaljena praksa u pristupu treningu Izgradnje tima, pa su se odlučili za digitalne alate i metode Društvenih inovacija kako bi osnažili ovaj tim. Pored toga što su uspjeli oživjeti kancelarijski duh, tim je zajedničkim snagama dobio potencijalne nove produkte za svoje korisnike/ce.

„Hvala članovima tima na izvanrednoj energiji i vraćanju vjere u civilni sektor i iskrenost onoga što radimo!“ – Slobodan Blagovčanin.

### CAT Bosna i Hercegovina

CAT Bosna i Hercegovina je nastavio svoje redovne aktivnosti tokom mjeseca juna.



Naše mačke su popunile online prostor pozitivnim vijestima i dešavanjima. Tokom juna, u sklopu PR(a)VO LICE AKTIVIZMA, naša Elda Lolić ugostila je predsjednika Skupštine Tuzlanskog Kantona, Žarka Vujovića. Video možete pogledati [ovdje](#), a u trećoj epizodi Pr(a)vog lica aktivizma, Elda je izašla na teren i sama se uvjerila da su [#poplave](#) ponovno zahvatile Bosnu i Hercegovinu ([VIDEO](#))!



#CATPatrola sa našom Mirelom Biković je u junu pokupila predsjednika Vijeća Mladih Grada Tuzla, Adija Selmana. Pogledajte o čemu se radi u serijalu u kojem vam otkrivamo zašto mladi nisu pasivni ([VIDEO](#))!

U drugoj epizodi #CATPatrole naša gošća bila je mlada heroína, djevojka koja je izgubila šaku u saobraćajnoj nesreći, ali uspjela zadržati svoj pozitivan duh, video koji definitivno preporučujemo da pogledate ([VIDEO](#)).

## Sa mačkama u zajednici – Jasmin Imamović

Radio televizija 7 Tuzla je u saradnji sa Omladinskim resursnim centrom Tuzla pokrenula novu emisiju u kojoj je pažnja posvećena aktuelnim društvenim temama, gradu, ljudima, podršci mladima, prilikama za mlade, civilnom sektoru, društvenom aktivizmu i slično.



Predviđeno je da u narednom periodu ugostimo brojne goste, između ostalih akademske ličnosti, psihologe, sociologe i predstavnike mladih. Gost prve emisije bio je Gradonačelnik Tuzle Jasmin Imamović, koji je govorio o korona virusu u Tuzli i odgovoru grada i građana, zatim o važnosti i uspjehu Panonskih jezera u Tuzli, kao i o velikom značaju BIT Centra u Tuzli. Bilo je riječi i o prilikama za mlade kroz projekte zapošljavanja, ali i društvenim aktivnostima u koje su mladi uključeni, naročito ljeti.

Dotakli smo se i teme digitalizacije, te šta je potrebno da bi se sva dokumentacija završavala elektronski. Osim toga, bilo je riječi i o ulozi mladih na izborima.

O svemu opširnije u video klikom [ovdje](#).

## NAGRADNA IGRA: Nova realnost izazvana COVID-19

***Napisat ću i vašu priču.***

**Autor: Adi Smajić**

Stigla je opet pod moj prozor, opet smo se gledali, opet smo pričali, ali tišina je ubrzo nastupila, sve je bilo nazor i isto tako završilo. Treba mi njena blizina ali pravimo se kao da to nije u redu.

Hoćete li se opet vidjeti, pitao sam ga.

Ma hoćemo sigurno, šta ću drugo raditi, možemo se dopisivati ali osjećam se kao onaj dječak u filmu što živi u balonu jer mu je imuni sistem katastrofalan. Znaš, postoji logika koju moramo slijediti, postoji moral i etika, postoji i ono što želimo jer se osjećamo živima, znam da je logično napraviti žičaru na svakoj planini ali radije ću se umoriti penjajući na istu, to nas čini drugačijima i ne želim da se život zaustavlja zbog naše sigurnosti, to nije nikad niti će ikada funkcionisati jer pojavit će se opet nešto, kao i uvijek sakrivamo se od problema kad ga ne znamo riješiti. Poštujem pravila jer je ovo globalni problem, neću izigravati revolt, još ne.

A čekaj... pa oboje ste mladi, zašto ti ne možeš a ona može biti vani.

Pa vidiš to je naše ludilo, rođeni smo u istoj godini ali i dalje sam maloljetan jer je moj rođendan tek u decembru a njen je bio, to je naša logika, masa a ne pojedinci, previše je to za nas komplikovano.

Gledao sam ga sa istog mjesta gdje je i ona stajala par sati ranije. I bio je u pravu, možda malo naivno razmišljanje ali sve u svemu sam prepoznao njegovu poentu, poenta da se logika mora detaljno prilagoditi situaciji i potrebama.

Osjećam da se društvo u kriznim momentima ponaša kao u feudalnom sistemu gdje imamo niži stalež kojima je konstantno loše ali žive.... i viši stalež koji ne osjeća krizu nego je i iskorištava kako zna i umije, sve na račun kmetova.

Ne mogu ignorisati dešavanja, gledam televiziju, gledam kako tvornica namještaja, obrt sa kolačima i firma za proizvodnju sokova prodaju svoju dušu sistemu kako bi "na foru" sebi obezbijedili budućnost i novčanu korist na račun onih kojima su i oni nekada pripadali.



Ali sve je to uredi, niko ne paničari kad se takve stvari dese, jer to izgleda kao dio plana i sve je u pozadini, isto kao što gledamo ljude kako prave fešte na obroncima Sarajeva jer im se može, isti ljudi nas drže pod kontrolom ali svoj život regulišu na osnovu onoga što oni misle da je u redu. Kad bi danas sjeo nasred ulice i protestovao protiv takvih dešavanja, kompletan grad bi me napao jer direktno remetim njihov...nazvat ću ga život, svi bi izgubili razum, svi bi se udružili da me napadnu, jedino tako znaju surađivati. Kako uopšte definisati granicu između zaštite ljudi i represije u vidu zabrane slobode kretanja. Shvatam problem, nisam sebičan i mislim na druge...ali do kada je to sve razumno ako u jednom momentu shvatim da štetim direktno sebi, kakve koristi imamo ako se svi nalaze u stanju hibernacije gdje vrijeme ide dalje ali se mi zaustavljamo u mjesto...

Jeste li se opet vidjeli? Pitao sam ga opet sutradan.

Jesmo, izašao sam sinoć kad je otac zaspao, nakon 2 mjeseca prvi put da je uzmem za ruku, srećom bili smo u haustoru jer i ona živi u istoj zgradi. Vidio sam da si nas jutros slikao, možeš li negdje objaviti sliku?

*Tekst je napisan u svrhu nagradne igre koju pokreće Citizens Against Terrorism na temu: "Nova realnost izazvana COVID-19?". Čestitamo na pobjedi!*

## PRVA CAT DIGITALNA AKADEMIJA

**Prva CAT Digitalna Akademija svečano je započela u ponedjeljak, 22.juna!**

U saradnji sa eminentnim omladinskim radnicama iz Srbije, Ivanom Volf i Marinelom Šumanski, donosimo **našu** prvu Digitalnu akademiju za menadžere društvenih mreža!



Digitalna akademija oko sebe okuplja 24 najmotivisanija mlada menadžera društvenih mreža iz organizacija civilnog društva u Bosni i Hercegovini.

### **Povodom toga razgovarali smo sa našim trenericama Marinelom i Ivanom o tome kako je prošao prvi sastanak sa učesnicima.**

“Sastanak se desio na Zoom-u je prošao odlično, skoro svi učesnici su nam se pridružili na prvom okupljanju koje je ujedno služilo i kao kick-off celokupne Akademije. Učesnici su bili u početku stidljivi, međutim ubrzo su se opustili i počeli da komuniciraju. Atmosfera je sve više počela da se opušta takođe, te smo se počeli i šaliti i stvarati čvršće veze među učesnicima, kao i sa trenerkinjama. Učesnici se čine zainteresovanim i motivisanim za temu i nekolicina dolazi sa jasnim ciljevima šta žele da nauče, unaprede i zašto.” – *kažu za catbih.ba Marinela i Ivana.*

### **Šta je urađeno sa učesnicima na prvom sastanku?**

“Na prvom sastanku smo učesnicima napravili uvod i poželeli dobrodošlicu, objasnili pozadinu Akademije i CAT-a, ciljeve i očekivanja nas kao edukatora i organizatora, kratko pojasnili elemente programa sva 4 modula, kao i metodologiju i premiere alata koje ćemo koristiti za rad. Takođe, na prvom susretu smo se svi predstavili jedni drugima na interaktivan način koristeći Jamboard alat, podelili nešto o sebi i razbili prvobitni led u grupi. Na kraju smo pricali narednim koracima koji nas čekaju u narednom periodu na Akademiji u okviru prvog Modula, i odgovarali na pitanja učesnika u vezi sa sadržajem i tehničkim aspektima Akademije i rada.” – *kažu za catbih.ba Marinela i Ivana.*

### **Kakvi su planovi za prvu iduću sesiju?**

“Naredna sesija će se odvijati na Discord alatu, gde su učesnici dobili zadatak da se registruju i naprave svoj kratk profil koristeći digitalne kartice i na taj način se bolje predstave ostatku grupe. Takođe, od njih ćemo tražiti da iskažu svoja očekivanja, izazove i šta je ono što oni mogu ponuditi ostalima u toku Akademije. Nakon toga, sa njima ćemo proći kroz sesiju izgradnje tima i uvoda u temu online kampanja kroz razgovor o ključnim rečima i razumevanju definicija relevantnih pojmova.” – *kažu za catbih.ba Marinela i Ivana.*

### **Koji su vaši utisci i očekivanja?**

“Očekujemo da ćemo uspjeti da odgovorimo potrebama učenika i da će njihova avantura učenja sa nama biti zabavna i korisna, kao i da će biti posvećeni Akademiji i biti slobodni da traže pomoć kad god im je potrebna, kako bi rezultati bili što bolji.” – *kažu za catbih.ba Marinela i Ivana.*

*Online aktivizam u Bosni i Hercegovini dolazi na velika vrata!*

## **REDOVNE AKTIVNOSTI ORC I HCA TUZLA**

Tokom juna radili smo na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

## **PLANNOVI HCA/ORC-A ZA JULI 2020.**

- Nastavak digitalne Akademije, u okviru novog ciklusa CAT – Građani protiv terorizma.
- snimanje TV emisija na RTV 7,
- snimanje dokumentarnog filma o Muftiji Kurtu,
- Nastavak redovnih aktivnosti u okviru ALF BiH, CAT BiH...

## AKTIVNOSTI ČLANICA OMLADINSKE MREŽE BiH



Udruženje mladih "Bez Ograničenja" NoLimit  
Ul. Mala Aleja 40, 71210 Ilidža  
Tel.: + 387 61 069 432  
E-mail: [umnolimit@hotmail.com](mailto:umnolimit@hotmail.com)  
Web: [nolimit.com.ba](http://nolimit.com.ba)

NoLimit Omladinski Radio/Podcast je projekt koji Udruženja mladih Bez Ograničenja – NoLimit iz Sarajeva – Ilidže provodi u sklopu svojih redovnih aktivnosti. Finansijski podržan od strane Općine ilidže.



Cilj nam je da obrađujemo oblasti i teme koje su bliske mladim i direktno su u dodiru s mladima. Slobodno vrijeme, obrazovanja, putovanje, razmjene, stipendije, zaposlenja, prakse i slične teme će biti u fokusu naših emisija. Obrađivat ćemo društvene pojave i probleme koje tište

mlade ljude. Donosit ćemo vam uspješne i pozitivne priče uspješnih mladih ljudi.

Putem modernih tehnologija interneta i socijalnih mreža omogućit ćemo vam da uživate u dobroj muzici, zanimljivim temama i tako upoznate nas mlade ljude, a mladim ljudima ćemo dati priliku da svoje stavove ideje i razmišljanja iznesu u javni prostor i tako ih učinimo odgovornim i društveno korisnim individuama.

Podcast možete slušati na Anchor.fm putem linka: <https://anchor.fm/nolimit-radio>



Live streaming radija možete slušati putem ZenoFM app <https://zenoplay.zenomedia.com/s/YQRvK1> ili linka kojeg će te zalijepiti u bilo koji player: <http://stream.zeno.fm/usv02hen21zuv>



## OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: [svitac@gmail.net](mailto:svitac@gmail.net)

Web: [www.svitac.org](http://www.svitac.org)

FB: [www.facebook.com/omladinska.svitac](https://www.facebook.com/omladinska.svitac)

## Dnevne radionice

Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su radili kreativne i edukativne stvari na radionicama prilagođene uzrastu, uz pomoć lokalnih i međunarodnih volontera. Ovaj mjesec su radili: crtanje raznih životinja



pomoću ruke i prstiju, Jagodica Bobica i ostalo crveno bobičasto voće, priče i pjesme o drugarstvu, vrijednim pčelama i o malom virusu. Nastavili su vježbati abecedu; učili su i vježbali pisanje slova O, P, R i riječi, koje počinju sa tim slovima, te su crtali pojmove koji počinju na određeno slovo. Na muzičkim radionicama su radili pjesmicu „Medo i med“ i pjesmu o brojevima na engleskom, njemačkom, francuskom i B/H/S jezicima. Kao i prethodnih mjeseci Svitac je u okviru redovnih aktivnosti intenzivno radio na temi higijena i posvetio joj posebnu pažnju. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. U toku mjeseca smo radili diskusije na temu muzika – učesnici su poslali link sa omiljenom pjesmom, te smo kreirali zajedničku play listu. I ovaj mjesec smo postavili pitanje da nam uz pomoć GIF-a kažu kako se osjećaju te smo radili male energizere.

Ovaj mjesec smo završili mini online projekat, u kojem svaki učesnik kaže na nekom od stranih jezika „Sloboda je skupa“ (<https://www.youtube.com/watch?v=GtgxhNR2KTM>). Na ovaj način smo željeli skrenuti pažnju da nismo ni svjesni koliko nam naša sloboda znači i da često zaboravimo male stvari, koje naš život čine ljepšim i potpunijim. Ovaj video je podijeljen da društvenim mrežama Omladinske organizacije Svitac.

Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera.

## Radionice gitare

Učesnici su nastavili sa radionicama. Videozapisi koji su podijeljeni na oficijelnoj Facebook stranici Omladinske organizacije Svitac su sledeći: Vrapčiću, Cantilena (D. Bogdanović) i Lettre a soi meme (Roland Dyens).

## Radionice sambe

Učesnici ove radionice su pripremali kratke edukativne video klipove za Facebook stranicu grupe. Video klipovi su u produkciji njemačko-francuske TV stanice ARTE. Osim ovoga na stranicu su takođe postavljeni video klipovi snimani za potrebe arhiviranja, daljnjeg komponovanja i rada na kompozicijama.



## ECO – projekat

Članovi Eco projekta i članovi iz Lokalnog tima AsuBiH su nastavili rad, te razgovarali o planovima za buduće aktivnosti i interaktivne radionice.

## Svjetski dan roditelja

Glavna skupština Ujedinjenih naroda proglasila je, u svojoj rezoluciji iz 2012. godine, 1. juni Svjetskim danom roditelja.

Svjetski dan roditelja je važan podsjetnik na vrijednost i važnost porodice. Takođe se odaje priznanje roditeljima koji se nesebično, vlastitim primjerom svakodnevno trude ulagati u razvoj i zaštitu najmlađih članova društva te naglašava važnost roditeljske uloge.

Omladinska organizacija Svitac je ovaj dan obilježila sa najmlađim članovima uz priču “Porodica Oblačić”, koja govori o porodičnoj sreći, brizi i važnosti uloge roditelja.

## Svjetski dan zaštite okoliša

Svake godine se 5. juna obilježava Svjetski dan zaštite okoliša na godišnjicu održavanja Konferencije Ujedinjenih naroda u Stockholmu (1972.) posvećene okolišu, a na kojoj je usvojen Program zaštite okoliša Ujedinjenih naroda (UNEP).

Ovog ali i svakog narednog dana možemo napraviti male korake za očuvanje našeg jedinog doma.

Vozimo češće biciklo, više pješačimo, budimo štedljivi sa vodom i zasadimo stabla i cvijeće.



Omladinska organizacija Svitac je ovaj dan obilježila sa učesnicima 15+ na radionici na otvorenom. Razgovarali smo o ekologiji i načinima da doprinesemo zaštiti životne okoline. Učesnici su takođe napisali motivacione poruke koje se tiču našeg jedinog doma.

## Svjetski dan protiv dječijeg rada

Svjetski dan protiv dječijeg rada se obilježava 12. juna. Naša je dužnost da djecu ne samo ovaj dan, nego uvijek, zaštitimo od iskorištavanja i zloupotrebljavanja. Omladinska organizacija Svitac je ovaj dan obilježila sa učesnicima uzrasta 4-7 godina na radionici prilagođenoj njihovom uzrastu. Razgovarali smo o dječijim pravima i kako sva djeca u svijetu trebaju imati siguran dom i lijepo djetinjstvo.

## Svjetski dan izbjeglica

Generalna skupština UN proglasila je 20. juni „Svjetskim danom izbjeglica“, koji se sada obilježava u cijelom svijetu.

Omladinska organizacija Svitac je održala radionicu čitanje priče za djecu uzrasta od 4 do 7 godina, o životinjama, koje žive u prijateljstvu u dubokoj šumi. Morali su napustiti svoj dom, jer je jedan loš jazavac došao sa svojim prijateljima i želio je cijelu šumu samo za sebe. Priča je imala sretan kraj. Svi mali prijatelji su našli novi dom, u novoj šumi sa jezerom. Pričanje priče i radna metoda je bila prilagođena njihovom uzrastu. Na kraju radionice su dobili zadatak da nacrtaju jedan lični predmet koji bi ponijeli sa sobom na putovanje. Takođe smo zaključili da uvijek trebamo pomoći osobama koje su izgubile dom i podijeliti sa njima hranu i odjeću.



Četiri mlade osobe iz Brčkog i članovi Omladinske organizacije Svitac su napisali pisma i izrazili svoja razmišljanja i osjećaje o Svjetskom danu izbjeglica. Njihova pisma možete pročitati ovdje: <https://fireflybosnia.org/the-cruel-reality-for-refugees/>

Za jul se planira nastavak svih aktivnosti Omladinske organizacije Svitac.

Institut za  
razvoj mladih KULT



Ul. 4. Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: [kult@mladi.org](mailto:kult@mladi.org), web:

[www.mladi.org](http://www.mladi.org)

## Općina Centar Sarajevo dobit će novu Strategiju prema mladima



Institut za razvoj mladih KULT i Općina Centar Sarajevo danas su potpisali ugovor o međusobnoj saradnji za izradu nove Strategije prema mladima u ovoj općini, na period 2021-2025. godina. Izradi Strategije prethodit će istraživanje o potrebama i problemima mladih u Općini Centar. Važno je napomenuti da je Institut prije 10 godina provodio isto istraživanje na području ove općine, pa će biti zanimljivo usporediti rezultate i razvoj u posljednjih 10 godina.

Potpisivanju sporazuma prisustvovali su općinski načelnik, gosp. Nedžad Ajnadžić, izvršni direktor Instituta, gosp. Jasmin Bešić, predstavnik općinske administracije i predstavnik Odjela za monitoring, evaluaciju i istraživanje Instituta.

Svi prisutni su izrazili veliko zadovoljstvo zbog saradnje i zajedničkog rada na izradi novog strateškog dokumenta usmjerenog prema mladima.

Strategija prema mladima zakonska je obaveza svih jedinica lokalne samouprave na području Federacije BiH i propisuje je Zakon o mladima FBiH, koji je usvojen 2010. godine, a na čijoj izradi je radio upravo Institut za razvoj mladih KULT.

Institut za razvoj mladih KULT krajem prošle godine raspisao je javni poziv u kojem je pozvao sve jedinice lokalne samouprave iz BiH da se prijave za sufinansiranje izrade strateških dokumenata za mlade, koji su zakonska obaveza. Institut će u narednom periodu podržati izradu strategija prema mladima i u drugim općinama, a već su započeti prvi koraci za provođenje istraživanja u Općini Centar.

## Postoje preduzeća u BiH koja podržavaju korporativno volontiranje

Korporativno volontiranje je vrsta društvenog angažmana koji planiraju, organiziraju i izvršavaju zaposlenici preduzeća, a koji odobrava i potiče menadžment preduzeća. Za vrijeme korporativnog volontiranja zaposlene osobe provode jedan ili više redovnih radnih dana volontirajući, odnosno obavljajući zadatke za dobrobit društva, a poslodavci takve dane tretiraju kao redovne radne dane, pri tome ne umanjujući naknadu ili slobodan dan zaposlenicima koji su korporativno volontirali. Na ovaj način preduzeća iskazuju društvenu odgovornost i bolje upoznaju okruženje u kojem posluju. i



ako na prvo čitanje zvuči skoro pa nemoguće, u BiH postoje preduzeća koja podržavaju i u svom poslovanju primjenjuju koncept korporativnog volontiranja. Takav primjer je dm drogerie markt, oni svake godine svojim zaposlenicima omogućavaju jedan radni dan, koji mogu iskoristiti u okviru volonterskih aktivnosti koje sami odaberu. Sistemsku podršku razvoju i promociji ovog oblika volontiranja pokrenuo je Institut za razvoj mladih KULT. Institut je pokrenuo online platformu **volontiraj.ba** na kojoj će biti omogućeno povezivanje udruženja i preduzeća u oblasti korporativnog volontiranja.

Iskustvo zaposlenica i zaposlenika dm drogerie markt o korporativno volontiranju možete pogledati u videu na [ovom](#) linku. Ukoliko želite sličan model korporativnog volontiranja primijeniti i u svom preduzeću registrujte se na online platformi **volontiraj.ba** jer već sada neki projekti čekaju korporativne volontere!

**Volontiraj.ba** vodeća je online platforma za povezivanje udruženja s preduzećima u oblasti korporativnog volontiranja. Platforma je razvijena u okviru inicijative „Poboljšanje ljudskih prava u privrednom sektoru u Bosni i Hercegovini“, koju provodi Institut za razvoj mladih KULT, a uz podršku Evropske unije.

## Amel Tuka učio polaznike UmiD Kids o važnosti discipline u ostvarivanju vrhunskih rezultata



Koliko je disciplina važna za ostvarivanje vrhunskih rezultata najbolje znaju oni koji su uspjeli osvariti takve rezultate. Takav je i Amel Tuka, najbolji bosanskohercegovački sportista i jedan od najboljih svjetskih atletičara. Amel je proveo popodne s mališanima, polaznicima obuke UMiD Kids i učio ih koliko je disciplina značajna u životu svakoga od nas.

UMiD Kids je edukativno-interaktivni program za djecu koji se sastoji od 12 modula koji obrađuju teme važne

za intelektualni, emocionalni i sociološki razvoj djeteta. Cilj ovog programa jeste da djeca postanu sigurnija, imaju veće samopouzdanje, bolju povezanost s roditeljima, školom, prijateljima i prijateljicama, te da postignu širu i jasniju sliku o sebi, drugima i svijetu u kojem žive, da razviju osjećaj za sebe i druge.

Amel je istakao da mu je tokom druženja bilo ugodno i zabavno, a pohvalio je zainteresiranost najmlađih. Imao je strpljenja i odgovor na svako od stotine postavljenih pitanja. Amel je dodao da ga druženje s djecom odmara i da se trudi što više slobodnog vremena provoditi s njima.

Kako bi mališani i praktično naučili šta je disciplina u sportu, Amel je organizirao kratku utrku s njima. Istovremeno su učili kako se ponijeti kada pobijede, odnosno kako prihvatiti poraz i naučiti lekcije iz tog iskustva.

UMiD Kids provodi Institut za razvoj mladih KULT, a pohađaju ga mališani uzrasta od 8 do 10 godina. Svi troškovi nastali tokom provođenja obuke su besplatni za roditelje zahvaljujući podršci Ambasade Kraljevine Nizozemske u BiH.



## Udruženje građana "C.E.Z.A.R." Srbac

Zdravka Čelara 29, 78420 Srbac

Tel: 051 928 126

e-mail: zdravosrbac@yahoo.com

## Svjetski Dan zaštite životne sredine



UG „C.E.Z.A.R.“ je obilježio Svjetski dan zaštite životne sredine, 5. juna. Volonteri Udruženja su ukazali na značaj očuvanja životne sredine, izrađujući promotivni materijal (fotografije i video) sa snažnim ekološkim porukama. Na ovaj način dali su svoj doprinos zaštiti životne sredine.

## Redovne aktivnosti

Nakon duže pauze izazvane virusom korona sa radom su počele neke od redovnih aktivnosti. U pitanju su treninzi hip-hopa, ritmičke gimnastike, kao i kreativne radionice „Mali kreativci“. Od novih aktivnosti, u junu mjesecu su počeli treninzi zumbe koji vode naši volonteri.



## Humanitarna akcija "Budi mi prijatelj"

U organizaciji UG „C.E.Z.A.R.“ počela je humanitarna akcija „Budi mi prijatelj“ u okviru koje se prikupljati novčana sredstva za kupovinu školskog pribora učenicima iz socijalno ugroženih porodica povodom nove školske godine. Volonteri su ukasili teglice-kasice i postavili ih na oko 40 prodajnih mjesta na teritoriji naše opštine. Prikupljanje novčanih priloga će trajati dva mjeseca, nakon čega će se organizovati podjela paketa.



## Humanitarna akcija “Daruj knjigu za stariju dob”

Dom za starija lica na Bardači (opština Srbac) započeo je izgradnju domske biblioteke. UG“ C.E.Z.A.R.“ je dao doprinos akciji te organizovao prikupljanje knjiga u svojim prostorijama. Zahvaljujući građanima i volonterima za tri dana skupili su 81 knjigu koju su uručili predstavnicima doma.



## Konferencija “You Can – Youth Can

Agencija za razvoj i saradnju CEREBRA Banja Luka je u periodu 25-26. juna 2020. godine održala online konferenciju „You Can Youth Can“ putem Zoom platforme. Ova konferencija je završna aktivnost projekta „You Can Youth Can“: Community Focused Youth Leadership“, koji je imao za cilj osnaživanje mladih liderskim vještinama u svrhu njihovog aktivnog uključivanja u lokalnim zajednicama. Konferencija je okupila sve mlade i učesnike projekta koji dolaze iz lokalnih zajednica koje su bile uključene u ovaj projekat, predstavnike omladinskih organizacija i organizacija za mlade, značajne i ključne aktere u omladinskom radu u Bosni i Hercegovini, predstavnike regionalnih i međunarodnih organizacija i mreža mladih.



## INFORMACIJE / DONATORI / POZIVI

### Prijavi se i pokreni projekat ili mikrobiznis!“

Rok prijave 16.07.2020



Od 29.6. do 16.7.2020. godine do 14 sati dostupan je fond od 148.240 KM za projekte i mikrobiznise mladih. Saznaj u kojim Omladinskim bankama imaš priliku da prijaviš svoj projekat ili mikrobiznis i ne propusti svoju BEZštelnu priliku!

Posebno držimo fige svim mladima koji po prvi put mogu prijaviti projekte i mikrobiznise u 6 novoosnovanih banaka: Omladinska banka Brod, Omladinska banka Gračanica,

Omladinska banka Gornji Vakuf-Uskoplje, Omladinska banka Kneževo, Omladinska banka Stanari i Omladinska banka Sokolac! Iskoristite svoju BEZštelnu priliku!

PORED POKRETANJA PROJEKTA I MIKROBIZNISA PREKO “KREIRAJ” MENIJA NA NASLOVNICI, MOŽEŠ TO URADITI I PREKO OVIH DIREKTNIH LINKOVA (ALI TEK NAKON VERIFIKOVANOG BROJA TELEFONA I POPUNJENIH UPITNIKA NA PROFILU):

PROJEKAT: <https://www.lonac.pro/project-details/0>

MIKROBIZNIS: <https://www.lonac.pro/micro-business-details/>

16 Omladinskih banaka imaju na raspolaganju još 64.215 KM za projekte mladih!

Okupi ekipu od 3-7 članica i članova između 17 i 35 godina i registrujte se u lonac.pro.

Kako biste ostvarili svoju ideju možete dobiti bespovratna sredstva od 500 do 1500 KM!

Više informacija o pozivu za projekte pogledaj u ovom članku: [MOBA 2020 – Poziv za društvene projekte mladih u Omladinskim bankama.](#)

33 Omladinske banke nude mogućnost dodjele bespovratnih novčanih sredstava za registraciju obrta/samostalnog preduzetnika/komercijalnog poljoprivrednog gazdinstva!

#### Uslovi su jednostavni:

imaš između 18 i 35 godina;

sjedište tvog biznisa će biti na teritoriji jedne od Omladinskih banka u kojoj je objavljen poziv;

potrebno ti je od 500 KM do 2.000 KM;

registrovat ćeš novi biznis najkasnije 2 mjeseca od potpisivanja ugovora.

Više informacija o pozivu za mikrobiznise pogledaj u ovom članku: [MOBA 2020 – Poziv mlade poduzetnike i poduzetnice u Omladinskim bankama.](#)

**Ne zaboravi da je rok za prijavu projekata i mikrobiznisa 16.7.2020. godine, do 14 h.**

### Javni poziv za građane – Korupcija nije problem pojedinca!!!

Grupa ste građana koja se suočava sa korupcijom u vašoj zajednici i zbog toga ne možete da ostvarite pravo koje pripada vama ili širem krugu ljudi?

Trpите posljedice loših odluka donesenih usljed zloupotrebe položaja ovlaštenih lica ili nezakonitog postupanja vlasti?

Ne želite da prihvatite ovo stanje kao normalno. Spremi ste da se angažujete u borbi protiv korupcije, pozivate na odgovornost i vladavinu prava.

Kontaktiraj nas u cilju dobijanja podrške vašim inicijativama u daljoj borbi protiv korupcije.

Mob: 063 396 536

e-mail: [protivkorupcije@ccibh.org](mailto:protivkorupcije@ccibh.org);

#### **Aktivnosti/Inicijative koje mogu dobiti podršku:**

- Prijavljena inicijativa se odnosi na problem koji je nastao kao posljedica koruptivnih radnji (zluopotreba javnih funkcija i resursa, korupcija u zdravstvu, zloupotrebe u javnim nabavkama, upravljanje javnim sredstvima/budžetskim sredstvima, nelegalna gradnja, korupcija u obrazovanju itd.)

- Planiraju je i implementiraju mještani/ke određenog područja (općina, grad, mjesna zajednica, kvart ili ulica, selo);

- Aktivno uključuje građane/ke (odn. potiče širu zajednicu da učestvuje u rješavanju zajedničkog problema), uključuje veću grupu ljudi;

- Inicijativa ima potencijal da donese korist široj lokalnoj zajednici;

#### **Podrška koju mogu dobiti od nas:**

- Podršku za analizu problema i pravnu podršku;
- Podršku za podizanje problema na javni nivo;
- Podrška u realizaciji PR aktivnosti;
- Finansijska podrška za realizaciju aktivnosti vaše inicijative;
- Druge vrste podrške neophodne za realizaciju inicijativa, zavisno od prirode problema.

Navedene aktivnosti se realizuju u okviru projekta USAID-ova podrška građanima u borbi protiv korupcije.

Projekat implementiraju Centri civilnih inicijativa (CCI), Transparency International u BiH (TI BIH) i Centar za razvoj medija i analize (CRMA)

## **Objavljeni pozivi: transferi za projekte mladih, kulture, sporta...**

Federalno ministarstvo kulture is porta objavilo je javni poziv za odabir programa i projekata koji će se sufinansirati iz Proračuna Federacije Bosne i Hercegovine u 2020. godini.

Sredstva za sufinansiranje programa i projekata dodjeljivat će se sukladno sa Odlukom o usvajanju Programa utroška sredstava i kriterijima raspodjele sredstava tekućeg transfera utvrđenog Proračunom FBiH za 2020. godinu Federalnom Federalnom ministarstvu kulture i sporta.

Trasferi će biti dodijeljeni institucijama nauke i kulture od značaja za BiH, zatim za mlade, sport, kulturu i obnovu kulturnog naslijeđa

### **TRANSFER ZA INSTITUCIJE NAUKE I KULTURE OD ZNAČAJA ZA BOSNU I HERCEGOVINU**

**Ukupan iznos raspoloživih sredstava: 600.000,00 KM**

I Odabir programa i projekata vršit će se za sljedeću namjenu:

Potpota institucijama od značaja za BiH i FBiH, raspoloživa sredstva: 600.000,00 KM. Sredstva će se dodjeljivati u rasponu od 10.000,00 KM do 200.000,00 KM.

Pravo podnošenja zahtjeva na ovaj javni poziv imaju institucije od značaja za BiH i Federaciju BiH čijim programima i projektima se osigurava kontinuitet rada i održavanje djelatnosti na dostignutom nivou.

### **TRANSFER ZA MLADE**

**Ukupan iznos raspoloživih sredstava: 310.000,00 KM.**

I Odabir programa i projekata vršit će se za sljedeću namjenu:

Istraživanje, formiranje i promoviranje politika prema mladima u Federaciji BiH, raspoloživa sredstva: 310.000,00 KM. Sredstva će se dodjeljivati u rasponu od 2.000,00 KM do 15.000,00 KM.

Pravo podnošenja zahtjeva na ovaj javni poziv imaju institucije, organizacije, udruge i drugi nositelji koji obavljaju djelatnosti u oblasti mladih i omladinskog aktivizma, registrirani u Federaciji Bosne i Hercegovine.

#### **TRANSFER ZA SPORT OD ZNAČAJA ZA FEDERACIJU 2020**

##### **Ukupan iznos raspoloživih sredstava 1.130.000,00 KM**

I Odabir programa i projekata vršit će se za sljedeće namjene:

Sufinanciranje izgradnje, rekonstrukcije i opremanja sportskih objekata, raspoloživa sredstva 500.000,00 KM. Dodjeljivat će se sredstva u rasponu od 4.000,00 KM do 40.000,00 KM

Sufinanciranje sportskih manifestacija koje se organiziraju u Federaciji BiH i sufinanciranje sudjelovanja sportaša na zvaničnim međunarodnim takmičenjima; raspoloživa sredstva 300.000,00 KM. Dodjeljivat će se sredstva u rasponu od 2.000,00 KM do 10.000,00 KM

Djelatnosti sportskih saveza konstituiranih na nivou BiH i F BiH, raspoloživa sredstva 250.000,00 KM. Dodjeljivat će se sredstva u rasponu od 5.000,00 KM do 30.000,00 KM

Sufinanciranje sportskih manifestacija i klubova osoba sa invaliditetom, raspoloživa sredstva 80.000,00 KM. Dodjeljivat će se sredstva u rasponu od 1.000,00 KM do 10.000,00 KM

Pravo podnošenja zahtjeva na ovaj javni poziv imaju sportske organizacije, klubovi, savezi, udruženja i drugi nositelji sa projektima iz oblasti sporta, registrirani u Federaciji Bosne i Hercegovine.

#### **TRANSFER ZA KULTURU OD ZNAČAJA ZA FEDERACIJU BIH**

##### **Ukupan iznos raspoloživih sredstava: 1.380 000,00 KM**

I Odabir programa i projekata vršit će se za sljedeće namjene:

Manifestacije, programi i projekti kulture od internacionalnog značaja za BiH i Federaciju BiH, raspoloživa sredstva: 830.000,00 KM. Sredstva će se dodjeljivati u rasponu od 3.000,00 KM do 230.000,00 KM.

Manifestacije, programi i projekti kulture od posebnog značaja za Federaciju BiH, raspoloživa sredstva: 550.000,00 KM. Sredstva će se dodjeljivati u rasponu od 1.000,00 KM do 25.000,00 KM.

Programi i projekti koji se odnose na obnovu, izgradnju i opremanje prostora, izdavačku djelatnost, opremanje knjižnica, snimanje filmova, kao i programi i projekti iz oblasti sporta neće biti razmatrani.

Pravo podnošenja prijave na ovaj javni poziv imaju udruge, fondacije i druga pravna lica nosioci projekata u kulturi registrirani u Federaciji Bosne i Hercegovine, izuzev privatnih organizacija osnovanih s ciljem ostvarenja profita.

#### **TRANSFER ZA OBNOVU KULTURNOG I GRADITELJSKOG NASLIJEĐA**

##### **Ukupan iznos raspoloživih sredstava: 638.000,00 KM**

I Odabir programa i projekata vršit će se za sljedeću namjenu:

Izrada projekata i izvođenje radova za zaštitu javnih objekata kulture koji imaju status nacionalnog spomenika, raspoloživa sredstva: 528.000,00 KM. Sredstva će se dodjeljivati u rasponu od 5.000,00 KM do 30.000,00 KM.

Izrada projekata i izvođenje radova za zaštitu stambenih objekata koji imaju status nacionalnog spomenika, raspoloživa sredstva: 40.000,00 KM. Sredstva će se dodjeljivati u rasponu od 3.000,00 KM do 15.000,00 KM.

Izrada projekata zaštite nekropola sa stećcima i izvođenje radova za zaštitu arheoloških nalazišta značajne kulturne baštine, raspoloživa sredstva: 40.000,00 KM. Sredstva će se dodjeljivati u rasponu od 2.000,00 KM do 10.000,00 KM.

Projekti zaštite pokretnih kulturnih dobara koji imaju status nacionalnog spomenika i projekti očuvanja nematerijalne kulturne baštine, raspoloživa sredstva: 30.000,00 KM. Sredstva će se dodjeljivati u rasponu od 3.000,00 KM do 15.000,00 KM.

Pravo podnošenja zahtjeva na ovaj javni poziv imaju pravni subjekti, organizacije, udruge i drugi nositelji projekata očuvanja kulturno-povijesnog naslijeđa i fizička lica ukoliko su vlasnici objekata koji imaju status nacionalnog spomenika, uz obvezu dostavljanja ponude pravnih lica (izvođača radova), koja imaju ovlaštenje za obnovu objekata.

## Poziv za projekte Ambasade Republike Bugarske u BiH

Ministarstvo spoljnih poslova Republike Bugarske posredstvom Ambasade Republike Bugarske u BiH otvorilo je poziv za podnošenje projektnih prijedloga za dodjelu bespovratnih sredstava.

Rok za dostavljanje projektnih prijedloga je 10. jul 2020. godine.

Cilj poziva je:

- poboljšati pristup obrazovanju kroz savremeni obrazovni proces i/ili unaprijediti infrastrukturu u obrazovanju kroz poboljšanje uslova učenja i izvođenja nastave;
- osigurati bolju zdravstvenu zaštitu i bolji pristup zdravstvenim uslugama i/ili poboljšati infrastrukturu u zdravstvu.

Prihvatljivi aplikanti:

- sva pravna lica u BiH
- međunarodne i lokalne nevladine organizacije;
- opštine/gradovi i njihova udruženja;
- obrazovne, zdravstvene i socijalne institucije;
- međunarodne humanitarne organizacije.

Maksimalan iznos budžeta po projektu je 50.000 KM, a minimalan 5.000 KM.

Detaljne informacije o pozivu dostupne su [OVDJE](#).

Izvor: [Ministarstvo za evropske integracije i međunarodnu saradnju](#)



### Dragi prijatelji,

*Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.*

*Rok za dostavljanje informacija za svako naredno izdanje je 30-ti u mjesecu.*

*Adrese za slanje vaših informacija za mjesečni bilten:*

**Omladinski resursni centar Tuzla  
Hadži Bakirbega Tuzlića 1  
75000 Tuzla  
tel/fax: 035 258 077  
e-mail: [orctuzla@bih.net.ba](mailto:orctuzla@bih.net.ba)**

*Mjesečni bilten uređuje  
Omladinski resursni centar -  
ORC Tuzla*

*Urednik Biltena:  
**Mirela Biković***

*Prevod Biltena na engleski: **Alma Ahmedbegović***

*WEB stranica Mreže:  
[www.omladina-bih.net](http://www.omladina-bih.net)*

*Mejling lista Mreže:  
[posta@omladina-bih.net](mailto:posta@omladina-bih.net)*

*Webmaster:  
[emir.delalic@gmail.com](mailto:emir.delalic@gmail.com)*